

Zanyarî ji boyî te ku wê jêhatinên xwe tomar bikê

Ev hin zanyarî ne ji boyî te ku wê zanyariyan liser jêhatinên xwe tomar bikê. Tu erkdarî ku tu zanyariyan tomar bikê, û ji mafê te ye ku zanyariyên te bêne tomarkin, binêre paragrafa 6 an di qanûna entegrasyonê (integreringsloven) de.

Tu erkdarî ku tu zanyariyan liser jêhatinên (mu'ehelat) xwe tomar bikê. Nerabûn bi tomarkirina zanyariyan wê bandora wê hebê li ser guncandina şîretkirina te liser xwendinê û kar li Norwêc, û liser naveroka programa amadeyî (introduksjonsprogrammet) ya te. Her wusa netomarkirina jêhatinan wê giringiya wê hebê ji karê IMDi re ji boyî peydakirina şaredariyeke lêbicîkirinê ji te re.

Çima divê tu jêhatinên xwe tomar bikê?

Li Norwêc gelek dezgehên giştî (hikûmî) hene ku kar dikan da kû kesan di derbara xwendin, rahênan û kar de şîret bikin. Ew mehtêcî zanyariyan in liser jêhatinên te da ku bikaribin te bi baştirîn şêwe şîret bikin.

Eger tê bi alîkariya desthilatdarên giştî werê bicîkirin, wê demê zanyariyên derbara jêhatinên te yek ji wan faktoran e ku IMDi berçav digre di dema hibijartina şaredariyeke bikê de ji te re.

Zanyariyên li ser jêhatinên te wê pişt re bêne bikaranîn da ku şîretkirineke li gorî te derbara kar, armanca dawîn û naveroka programa amadeyî a te de bidne te.

Bingeha çarekirina zanyariyan ya qanûnî

Bingeha çarekirina zanyariyên te a qanûnî xala 41an ya qanûna entegrasyonê û xala 47 an a mersûmê entegrasyonê ne.

Zanyarî li ser ferehiya tomarkinê

Ew kesê ku wê di dema tomarkinê de te şîret bike, dikare hin hûrgiliyan di malika têksta serbest de binivîsê bi mebesta timamkirina zanyariyên ku tu di Kompass de tomar dikê. Di malikên têksta serbest de, wê şêwirmend tenê zanyariyan li wan xalên ku di Kompassê de hene zêde bike.

Kîjan zanyarî li ser te di Kompass de têne tomarkin:

- Hevwelatîbûn, zayende (cins) û temen
- Zimanên ku tu dizanê
- Xwendina dibistanê / xwendina bilind
- Ezmûna (xibreta)kar
- Te berê çî çalakî dikirin ku ji xwendinê û jiyana kar re tekildar in
- Mijûliyên te
- Daxwazên te derbara xwendinê û kar de

Kî wê bikaribê bighije wan zanyariyên ku tu tomar dikê?

Rêveberiya Entegrasyonê û pirrengiyê (IMDi) berpîrs e ji zanyariyên derbara jêhatinên te de. Her wusa IMDi navê te û hejmara te a DUF tomarkiriye, da ku em bikaribin zanyariyên te nasbikin.

Navendên şewirmendiya pîşeyî (Karrieresentre) ku girêdayî şaredariya parêzgehê ne wê liser bingeha zanyariyên li ser jêhatinên te de şewirmendiya pîşeyî pêşkêşî te bikin. Eger tu di grûpa armanckirî a programa amadeyî de bê, wê maf û erkê te hebê û ku tu programa şewirmendiya pîşeyî biqedênê. Wê şewirmendekî pîşeyî zanyariyên te bikar bînin da ku ew baştirîn şewirmendiyê liser kar û xwendinê li Norwêc pêşkêşî te bikê. Şewirmendê pîşeyî wê encama rêberiyê/şewirmendiyê bi şaredariyê, IMDi û NAV re parve bikê.

Rêveberiya kar û Xweşaliya Civakî (NAV) dikare zanyariyên te bikarbînin û rêberiya te bike di derbara imkanên bidestxistina kar de li Norwêc.

Şaredariya ku kempa penaberan lê ye wê zanyariyên di derbara te de bikarbînin da ku ew programekî tam-demî yan jî gavên bihêzkirina guncandinê ên li gorî te amade bikê.

Eger tu bi alîkariya desthilatdarên fermî werê bicîkirin, wê **şaredariya ku tu lê hatiye bicîkirin**, zanyariyên te bikarbînin da ku programa amadeyî (introduksjonsprogrammet), fêrbûna zimanê norwêcî û civaknasiya norwêcî yan pêşniyarên têkildar ên din ku li gorî te ne pêşkêşî te bikê.

Zanyarî dikarin ji boyî **armanacên taybet ên lêkolînê û amaran (statîstîkan)** bêne bikaranîn.

Çi mafên te hene ligorî qaideyên parastina xisûsiyetê

Mafê te heye tu zanyariyên ku liser te têne tomarkirin bibînin.¹ Tu dikarê daxwaz bikê ku zanyariyên şaş bêne rastkirin yan rakirin². Mafê te heye tu daxwaz bikê ku zanyariyên liser te neyênê bikaranîn, eger, bo nimûne, tu bawer bê ku ew şaş in³. Mafê te heye tu nerazîbûna xwe liser çarekirina zanyariyan nîşan bidê, eger sedemên te ên taybet hebin. Mafê te heye tu gillih bikê li dijî çarekirina zanyariyan⁴.

Eger tu bixwazê mafên xwe yê ku eleqedarê çarekirina zanyariyên te ne bikarbînin, em ji te dixwazin ku tu têkiliyê bi IMDi re bikê bi rêya vê e-mailê: post@immdi.no, yan jî yekser peywendiyê bikê bi berpîrsê xisûsiyetê (personvernombud) yê IMDi re bi rêya vê e-mailê: personvernombud@immdi.no.

Ji boyî zanyariyên zêdetir liser mafên te em te şîret dikin tu biçê malperên Datatilsynet (Dezgeha Parastina Data-yan) <https://www.datatilsynet.no/rettigheter-og-plikter/den-registrertes-rettigheter/>, û danezana xisûsiyetê a IMDi <https://www.imdi.no/om-imdi/personvern/>.

¹ Mersûmê gishtî derbara parastina datayan, xala 15.

² Mersûmê gishtî derbara parastina datayan, xalên 16 û 17.

³ Mersûmê gishtî derbara parastina datayan, xala 18.

⁴ Mersûmê gishtî derbara parastina datayan 77.

